



Broj: 01-34-270/26
Datum: 16.02.2026. godine

Na osnovu člana 37. Statuta Općine Foča („Službene novine Bosansko-podrinjskog kantona“, broj 8/08,16/13 i 7/20), a na osnovu Pravilnika o dodjeli stipendija, broj: 02-1-11-1600/21, od 30.12.2021. i Odluke Općinskog vijeća o broju korisnika, deficitarnosti zanimanja i iznosu pojedinačnih stipendija za školsku 2025/2026 godinu broj:03-1-34-248/26, načelnik Općine, r a s p i s u j e:

K O N K U R S ZA DODJELU STIPENDIJA UČENICIMA SREDNJIH ŠKOLA ZA ŠKOLSKU 2025/26. GODINU

I. OPĆI USLOVI

Pravo na dodjelu stipendije imaju redovni učenici srednjih škola, koji ispunjavaju opće uslove za dodjelu stipendija, i to:

- da su državljani Bosne i Hercegovine,
- da imaju prebivalište na području Općine Foča najmanje šest mjeseci prije raspisivanja konkursa za dodjelu stipendija,
- da su redovni učenici srednjih škola koji ne obnavljaju razred iz prethodne školske godine,
- da ne primaju stipendiju, kredit ili neki drugi oblik novčane naknade koja ima obilježje stipendije, od drugog davaoca.

Mjesečni iznos stipendija za učenike srednjih škola je u iznosu od 70,00 KM.
Stipendije se isplaćuju za jednu školsku godinu i isplaćivat će se 8 (osam) mjeseci u kojima se nastava odvija u školskoj godini.

Dodjeljuje se 17 (sedamnaest) stipendija učenicima srednjih škola.

II. KRITERIJI ZA OSTVARIVANJE PRAVA NA DODJELU STIPENDIJA

Kriteriji za ostvarivanje prava na dodjelu stipendija učenicima srednjih škola, su:

- 1) deficitarnost zanimanja,
 - 2) uspjeh u završenom razredu osnovne škole za učenike koji upisuju I razred srednje škole ili uspjeh u prethodnom razredu srednje škole za učenike koji upisuju II, III, IV razred srednje škole,
 - 3) socijalni status učenika i članova njegove uže porodice, odnosno njegovog domaćinstva,
 - 4) djeca pripadnika boračkih populacija.
- Iz jedne porodice, odnosno domaćinstva, samo jedan učenik može biti korisnik stipendije iz Budžeta Općine Foča. Izuzetak su učenici deficitarnih zanimanja i učenici bez oba roditelja.

III. DOKAZI O ISPUNJAVANJU OPĆIH USLOVA I KRITERIJA ZA OSTVARIVANJE PRAVA NA DODJELU STIPENDIJA

a) Kao dokaz o ispunjavanju općih uslova kandidati za dodjelu stipendija uz popunjen obrazac prijave (preuzeti na protokolu Općine ili na web stranici www.foca-ustikolina.ba prilažu sljedeću dokumentaciju (obavezna dokumentacija):

- 1) uvjerenje o državljanstvu,
- 2) potvrdu o prebivalištu, izdatu nakon objavljivanja konkursa,
- 3) dokaz da učenik ne obnavlja razred u srednjoj školi iz prethodne školske godine.
- 4) ovjerenu izjavu kandidata da nije korisnik stipendije, kredita ili nekog drugog oblika novčane naknade koja ima obilježje stipendije, od drugog davaoca (pravnog ili fizičkog lica) u školskoj godini u kojoj se prijavljuje na konkurs za dodjelu stipendija u Općini Foča.
- 5) ovjerenu izjavu kandidata kojom se daje saglasnost za obradu i objavu ličnih podataka prilikom objave liste kandidata za dodjelu stipendija i rezultata konkursa.

b) Kao dokaz o ispunjavanju kriterija za ostvarivanje prava na dodjelu stipendija propisanih Pravilnikom o dodjeli stipendija, kandidati na konkurs za dodjelu stipendija prilažu sledeću dokumentaciju (neobavezna dokumentacija koja utiče na rezultat ostvarenih bodova):

- 1) dokaz o članovima zajedničkog domaćinstva (kućna lista),
- 2) dokaz o članovima zajedničkog domaćinstva koji redovno pohađaju osnovnu školu, srednju školu ili studiraju,
- 3) dokaz (diploma, svjedochanstvo, đачka knjižica) o uspjehu u završenom razredu osnovne škole za učenike koji upisuju I razred srednje škole ili uspjehu u prethodnom razredu srednje škole za učenike koji upisuju II, III, IV razred srednje škole,
- 4) dokaz o ostvarenom priznanju – učenik generacije, u osnovnoj ili srednjoj školi,
- 5) dokaz o ukupnim mjesečnim primanjima/prihodima za punoljetne članove zajedničkog domaćinstva (izuzev onih koji imaju status redovnog učenika ili studenta) po osnovu: radnog odnosa, penzije, samostalne djelatnosti, boračko-invalidske zaštite, socijalne zaštite i po drugim osnovama,
- 6) dokaz o nezaposlenim punoljetnim članovima zajedničkog domaćinstva (uvjerenje o statusu nezaposlene osobe od nadležne službe za zapošljavanje ili od nadležne službe PIO da se vodi kao osigurana osoba po osnovu radnog odnosa),
- 7) dokaz da je kandidat bez jednog ili oba roditelja (izvod iz matične knjige umrlih),
- 8) dokaz o ličnom invaliditetu kandidata za dodjelu stipendije (preko 50%),
- 9) dokaz o invaliditetu roditelja (preko 80%),
- 10) dokaz da kandidat član porodice pripadnika boračkih populacija.

Dokazi o ispunjavanju općih uslova za dodjelu stipendije i kriterija za ostvarivanje prava na dodjelu stipendija dostavljaju se u originalu ili ovjerenoj fotokopiji odgovarajuće isprave.

IV. POSTUPAK ZA DODJELU STIPENDIJA

Izbor učenika za stipendiranje po ovom Konkursu izvršit će se bodovanjem priloženih dokumenata i rangiranjem po utvrđenim kriterijima iz člana 6. Pravilnika o dodjeli stipendija, broj:02-1-11-1600/21 od 30.12.2021. godine do odobrenog broja stipendija, odnosno do iznosa predviđenih sredstava za studentske stipendije u Budžetu Općine.

Detaljniji uslovi u vezi stipendiranja regulisat će se ugovorom o stipendiranju, kojim će se urediti međusobna prava i obaveze davaoca i korisnika stipendije.

V. PODNOŠENJE PRIJAVE

Obrazac prijave se može preuzeti u šalter Sali općine Foča ili na web stranici Općine www.foca-ustikolina.ba

Konkurs ostaje otvoren do 03.03.2026. godine, do 16,00 sati, a bit će objavljenj na oglasnoj ploči Općine i web stranici Općine Foča.

Prijave sa potrebnom dokumentacijom dostaviti na pisarnicu Općine Foča, sa naznakom: Prijava na konkurs za dodjelu stipendija učenicima srednjih škola – „ne otvaraj“.

Nepotpune i neblagovremene prijave neće se uzeti u razmatranje.

Dostavljeno:
-oglasna ploča
-web stranica
-evidenciji
-a/a



OPĆINSKI NAČELNIK
Muje Sofradžija